

**-UPRAVNI ODBOR-**

Broj: 02-13-2/21

Sarajevo, 12. 04. 2021. godine

Na osnovu člana 129. stav (2) tačka f) i tačka k), a u vezi sa članom 160. stav (6) Zakona o visokom obrazovanju („Sl. novine Kantona Sarajevo“, broj 33/17, 35/20 i 40/20), člana 53. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, a u skladu sa Mišljenjem Odbora za finansije Univerziteta u Sarajevu broj: 0105-3099-1/21 od 30. 03. 2021. godine, Odlukom Senata Univerziteta u Sarajevu broj: 01-4-3/21 od 07. 04. 2020. godine, Upravni odbor Univerziteta u Sarajevu je na svojoj 41. elektronskoj sjednici, održanoj dana 12. 04. 2021. godine, *donio*

ODLUKU**I**

Usvaja se Izvještaj o radu sa finansijskim poslovanjem Univerziteta u Sarajevu za 2020. godinu sa nalazom Interne revizije Univerziteta u Sarajevu o provedenom nadzoru o finansijskim procesima na Univerzitetu u Sarajevu i organizacionim jedinicama za 2020. godinu broj: IR-05/21 od 06. 04. 2021. godine.

II

Upravni odbor Univerziteta u Sarajevu Izvještaj i Nalaz Interne revizije Univerziteta u Sarajevu iz tačke I ove odluke u zakonski utvrđenom roku podnosi Vladi Kantona Sarajevo odnosno Skupštini Kantona Sarajevo na dalje postupanje.

III

Ova odluka stupa na snagu danom donošenja.

Obrazloženje

Na osnovu člana 129. stava (2). alineja f) rektor Univerziteta u Sarajevu, u ostavljenom roku, je putem Upravnog odbora Univerziteta u Sarajevu, podnio Izvještaj o radu sa finansijskim poslovanjem Univerziteta u Sarajevu za 2020. godinu, čiji je sastavni dio Nalaz Interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za 2020. godinu.

U odnosu na prethodno razmatranje Izvještaja o radu sa finansijskim poslovanjem Univerziteta u Sarajevu za 2020. godinu od strane tijela Univerziteta odnosno savjetodavnih tijela Univerziteta, a u skladu sa utvrđenim nadležnostima, Upravni odbor Univerziteta u Sarajevu konstatuje da je na predmetni Izvještaj Odbor za finansije Univerziteta u Sarajevu na 2. redovnoj sjednici održanoj dana 30. 03. 2021. godine dao mišljenje, nakon čega je isti

prihvaćen na 26. vanrednoj sjednici Senata Univerziteta u Sarajevu održanoj dana 07. 04. 2021. godine.

Na osnovu naprijed navedenog, donosi se odluka kao u dispozitivu

**PREDSJEDNIK
UPRAVNOG ODBORA**



Dr. sc. Murat Ramadanović



Dostaviti:

- Rektor
- Vladi Kantona Sarajevo, putem Ministarstva za nauku, visoko obrazovanje i mlade Kantona Sarajevo
- Skupštini Kantona Sarajevo, putem Ministarstva za nauku, visoko obrazovanje i mlade Kantona Sarajevo
- Rukovodiocima organizacionih jedinica UNSA
- Predsjedniku i članovima Upravnog odbora
- Internom revizoru
- Generalnom sekretaru
- Službi za računovodstvo i finansije
- Službi za plan i analizu
- U dokumentaciju Upravnog odbora
- Arhivi

81

**-UPRAVNI ODBOR-**

Broj: 02-13-3/21

Sarajevo, 08. 04. 2021. godine

Na osnovu člana 129. Zakona o visokom obrazovanju („Sl. novine Kantona Sarajevo“, broj: 33/17, 35/20 i 40/20), a u vezi sa članom 15. i 16. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), kao i na osnovu člana 55. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, a u skladu sa Mišljenjem Odbora za finansije Univerziteta u Sarajevu broj: 0105-3099-2/21 od 30. 03. 2021. godine i Odlukom Senata Univerziteta u Sarajevu broj: 01-4-4/21 od 07. 04. 2021. godine, Upravni odbor Univerziteta u Sarajevu je na 41. elektronska sjednici održanoj dana 12. 04. 2021. godine, *donio*

ODLUKU**I**

Prihvataju se prijedlozi prioriteta Univerziteta u Sarajevu i organizacionih jedinica Univerziteta u Sarajevu za izradu Dokumenta okvirnog budžeta (DOB) Kantona Sarajevo za period 2022-2024. godina u skladu sa Zakonom o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i ista čine sastavni dio ove odluke.

II

Zadužuje se Služba za plan, analizu i investicije Univerziteta u Sarajevu da Prijedlog Dokumenta okvirnog budžeta za period 2022-2024. godine putem Ministarstva za nauku, visoko obrazovanje i mlade Kantona Sarajevo dostavi Ministarstvu finansija Kantona Sarajevo.

III

Ova odluka stupa na snagu danom donošenja.



**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor
- Ministarstvu finansija KS, putem Ministarstva za nauku, visoko obrazovanje i mlade
- Predsjedniku i članovima UO UNSA
- Organizacione jedinice UNSA
- Generalnom sekretaru
- Službi za plan i analizu UNSA
- Službi za računovodstvo i finansije UNSA
- U dokumentaciju UO UNSA
- Arhivi

**- UPRAVNI ODBOR-**

Broj: 02-13-4/21

Sarajevo, 12. 04. 2021. g.

Na osnovu člana 129. stav (2) tačka i) Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20) i člana 55. tačka j) Statuta Univerziteta u Sarajevu, u skladu sa članom 36. stav (1) Poslovnika o radu Upravnog odbora Univerziteta u Sarajevu, a u vezi sa Molbom voditelja projekta NATO SPS pod nazivom *Quantum Cybersecurity in 5G Networks (QUANTUM5) - Kvantna cyber-sigurnost 5G mreža* doc. dr. Miralema Mehića broj: 0101-2898/21 od 25. 03. 2021. godine, Upravni odbor Univerziteta u Sarajevu je na 41. elektronskoj sjednici, održanoj dana 12. 04. 2021. godine, donio *sljedeću*

ODLUKU**I**

Odobrava se prenos sredstava planiranih Budžetom projekta NATO SPS pod nazivom *Quantum Cybersecurity in 5G Networks (QUANTUM5) - Kvantna cyber-sigurnost 5G mreža* sa organizacione jedinice Elektrotehnički fakultet Univerziteta u Sarajevu na organizacionu jedinicu Rektorat Univerziteta u Sarajevu.

II

Sredstva planirana budžetom projekta bit će unesena u Finansijski plan Univerziteta u Sarajevu za 2021. godinu u dijelu Rektorat Univerziteta u Sarajevu.

III

Ovlašćuje se rektor Univerziteta u Sarajevu za implementaciju projekta iz tačke I ove odluke putem Rektorata Univerziteta u Sarajevu, uz obavezu kvartalnog izvještavanja Upravnog odbora Univerziteta u Sarajevu o implementaciji projekata.

IV

Donošenjem ove odluke stavlja se van snage tačka II, III i IV Odluke Upravnog odbora Univerziteta u Sarajevu 02-57-6/20 od 30. 12. 2020. godine.

V

Ova odluka stupa na snagu danom donošenja.

Obrazloženje

Upravnom odboru je dostavljena Molbom voditelja projekta NATO SPS pod nazivom *Quantum Cybersecurity in 5G Networks (QUANTUM5) - Kvantna cyber-sigurnost 5G mreža* doc. dr. Miralema Mehića broj: 0101-2898/21 od 25. 03. 2021. godine kojom se u cilju realizacije projektnih aktivnosti traži izmjena načina realiziranja navedenog projekta. S tim u vezi, Upravni odbor je na 35. elektronskoj sjednici održanoj 30. 12. 2020. godine donio Odluku

kojom je dao saglasnost rektoru Univerziteta u Sarajevu prof. dr. Rifatu Škrijelju za pristupanje Ugovoru u okviru realizacije navedenog NATO SPS između Tehničkog univerziteta u Ostravi, Češke Republike i Univerziteta u Sarajevu, BiH (referentni broj Projekta: G5894). Navedenom odlukom utvrđuje se da se projekat realizira putem organizacione jedinice Elektrotehnički fakultet Univerziteta u Sarajevu.

Uvažavajući Molbu voditelja projekta, Upravni odbor je donio odluku kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor
- Elektrotehničkom fakultetu UNSA
- Voditelju projekta, putem Elektrotehničkog fakulteta UNSA
- Predsjedniku i članovima Upravnog odbora
- Generalnom sekretaru
- Služba za naučnoistraživački rad UNSA
- Služba za plan i analizu UNSA
- Službi za računovodstvo i finansije UNSA
- U dokumentaciju Upravnog odbora
- Arhivi

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
[email: javnost@unsa.ba](mailto:javnost@unsa.ba)

**-UPRAVNI ODBOR-**

Broj: 02-13-5/21

Sarajevo, 12. 04. 2021. godine

Na osnovu člana 17. Zakona o javnim nabavkama Bosne i Hercegovine („Sl. glasnik BiH“, broj: 39/14), člana 129. Zakona o visokom obrazovanju Kantona Sarajevo („Sl. novine Kantona Sarajevo“, broj: 33/17, 35/20 i 40/20), člana 55. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, kao i na osnovu Zahtjeva za izmjenu i dopunu plana nabavki Univerziteta u Sarajevu u dijelu Rektorat i centri, broj: 0101-3366/21 od 07. 04. 2021. godine, Upravni odbor Univerziteta u Sarajevu, na 41. elektronskoj sjednici, održanoj 12. 04. 2021. godine, donio je *s l j e d e ć u*

O D L U K U

o izmjeni i dopuni Plana javnih nabavki integrisanog Univerziteta u Sarajevu za 2021. godinu u dijelu Rektorat i centri Univerziteta u Sarajevu

I

Utvrđuje se izmjena i dopuna Plana javnih nabavki integrisanog Univerziteta u Sarajevu za 2021. godinu u dijelu organizacione jedinice, Rektorat i centri Univerziteta u Sarajevu, usvojenog Odlukom Upravnog odbora Univerziteta u Sarajevu broj: 02-10-3/21 od 18. 03. 2021. godine, kao u tabeli koja se nalazi u prilogu i čini sastavni dio ove Odluke.

II

Ova odluka stupa na snagu danom donošenja, a bit će objavljena i na internet stranici Univerziteta u Sarajevu.

Obrazloženje

Upravnom odboru Univerziteta u Sarajevu je od strane Rektorata upućen Zahtjev za izmjenu i dopunu plana javnih nabavki Univerziteta u Sarajevu u dijelu Rektorat i centri Univerziteta u Sarajevu za 2021. godinu, broj: 0101-3366/21 od 07. 04. 2021. godine.

Prethodno je Upravni odbor Univerziteta u Sarajevu donio Odluku kojom se usvaja Plan javnih nabavki integrisanog Univerziteta u Sarajevu za 2021. godinu u ukupnom iznosu od 16.620.852,87 KM bez PDV-a, koji sadrži Plan javnih nabavki Univerziteta u Sarajevu i planove javnih nabavki organizacionih jedinica Univerziteta u Sarajevu, broj: 02-10-3/21 od 18. 03. 2021. godine (u daljem tekstu: Odluka) - (iznos Plana javnih nabavki u dijelu Rektorat i centri Univerziteta u Sarajevu je 2.633.548,00 KM bez PDV-a).

U članu 6. navedene Odluke, utvrđeno je da se plan javnih nabavki tokom budžetske godine može izmijeniti ili dopuniti u skladu sa osiguranim finansijskim sredstvima, odluka kojom se vrši izmjena plana javnih nabavki mora sadržati obrazloženje o neophodnosti i osnovanosti izmjene plana nabavki, odnosno dopune plana sa nabavkama koje se nisu mogle predvidjeti u vrijeme donošenja plana, pod uslovom da su za te namjene osigurana finansijska sredstva.

U predmetnom zahtjevu u dijelu obrazloženja se navodi da se Rektoratu Univerziteta u Sarajevu obratio voditelj projekta „Development of master curricula in ecological monitoring

and aquatic bioassessment for Wester Balkan“ (ECOBIAS), prof. dr. Samir Đug, sa zahtjevom da se u cilju nastavka realizacije ovog projekta, izvrši izmjena i dopuna plana nabavki Rektorata, kako bi se ista uvrstila u Plan javnih nabavki integrisanog Univerziteta u Sarajevu za 2021. godinu u dijelu Rektorat i centri Univerziteta u Sarajevu.

Nabavka opreme realizira se kroz zajedničku nabavku sa četiri partnera iz BiH: Univerzitetom u Tuzli, Univerzitetom u Banja Luci, Sveučilište u Mostaru, Univerzitetom Istočno Sarajevo. Kako je procijenjena vrijednost nabavke laboratorijske opreme iznosi 141.459,00 KM, a naznačeni iznos je iznad iznosa/naloga kojima u okviru svojih ovlaštenja raspolaže Rektor.

S obzirom da su nastale nove okolnosti (nije realiziran predmetni Projekat, kako je to predviđeno Planom javnih nabavki za 2020. godinu) koje se nisu mogle predvidjeti u vrijeme pripreme i donošenja Plana javnih nabavki za 2021. godinu, ukazala se potreba za izmjenom Plana javnih nabavki Rektorat i centri Univerziteta u Sarajevu za 2021. godinu.

Cijeneći navedeno odlučeno je kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor
- Predsjedniku i članovima Upravnog odbora
- Izvršnom direktoru
- Generalnom sekretaru
- Službi za računovodstvo i finansije UNSA
- Službi za javne nabavke UNSA
- Služba za plan i analizu UNSA
- U dokumentaciju Upravnog odbora
- Arhivi

IZMJENA/DOPUNA PLANA NABAVKI UNIVERZITETA U SARAJEVU ZA 2021. GODINU (REKTORAT I CENTRI)

R.br.	Izmjena/do puna Plana nabavki od 12. 04. 2021. N-novo P-promjena B-brisano	Predmet nabavke Oznaka JRJN	Procijenjena vrijednost nabavke KM bez PDV-a -- Izmjena i dopuna plana nabavki od 12.04.2021.	Procijenjena vrijednost Izmjene/dopune Plana nabavki od 18. 03. 2021. KM bez PDV-a	Vrsta postupka nabavke	Zaključuje se ugovor /okvirni sporazum	Planirani početak postupka	Planirano trajanje ugovora /okvirnog sporazuma	Izvor finansiranja
ROBE									
94.	N-novo	Laboratorijska oprema 38000000-5 LOT 1 – Mikroskopi i lupe – 80.388,00 KM (38510000-3, 38652200-2)	141.459,00	-	I	-	II kvartal	Do realizacije	Transferi – ECOBIAS – Zajednička nabavka sa Univerzitetom u Tuzli, Univerzitetom u Banja Luci, Sveučilištem u Mostaru

**-UPRAVNI ODBOR-**

Broj: 02-13-6/21

Sarajevo, 12. 04. 2021. godine

Na osnovu člana 129. Zakona o visokom obrazovanju („Sl. novine Kantona Sarajevo“, broj: 33/17, 35/20 i 40/20), člana 55. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, u vezi sa Zaključkom Upravnog odbora Univerziteta u Sarajevu broj 02-51-12/20 od 19. 11. 2020. godine i Zaključkom Upravnog odbora Univerziteta u Sarajevu broj: 02-1-2/21 od 21. 01. 2021. godine, oslonom na Preteče pismo prorektora za finansije Univerziteta u Sarajevu broj: 0101-3366-1/21 od 08. 04. 2021. godine, Upravni odbor Univerziteta u Sarajevu je na 41. elektronskoj sjednici osmoj redovnoj sjednici održanoj dana 12. 04. 2021. godine, *donio*

ODLUKU**I**

Daje se saglasnost rektoru Univerziteta u Sarajevu, prof. dr. Rifatu Škrijelju na potpisivanje Sporazuma o izmjenama i dopunama - Aneksa Ugovora za konsultantske usluge nadzora i revizije izvedbene projektne dokumentacije broj: 0101-4908/18 između Univerziteta u Sarajevu, klijenta i konzorcijuma „IMAR i ahA+knAp“, kao revidenta i nadzora Projekta izgradnje Univerzitetske biblioteke Univerziteta u Sarajevu.

II

Obavezuje se rektor Univerziteta u Sarajevu da o realizaciji Sporazuma iz tačke I ove odluke izvijesti Upravni odbor Univerziteta u Sarajevu.

III

Ova odluka stupa na snagu danom donošenja.

Obrazloženje

Upravnom odboru je dostavljen Sporazum o izmjenama i dopunama, odnosno Aneks Ugovora za konsultantske usluge nadzora i revizije izvedbene projektne dokumentacije broj: 0101-4908/18 između Univerziteta u Sarajevu, klijenta i konzorcijuma „IMAR Urban Consultants“, Kraljevina Saudijska Arabija i „ahA+knAp“ d.o.o. Sarajevo, Bosna i Hercegovina, kao revidenta i nadzora Projekta izgradnje Univerzitetske biblioteke Univerziteta u Sarajevu (*Agreement for the Amendment of and Supplement No.1 to the Contract for Consultant's Services: Consulting Services for Engineer Supervision and Detailed Design Review Contract No. 0101-4908/18.*), radi davanja saglasnosti rektoru Univerziteta na potpisivanje.

Sastavni dio Sporazuma je ponuda sa listom eksperata konzorcija „IMAR i ahA+knAp“ kojem se njihov dosadašnji opis poslova i zadataka proširuje sa „Opisom poslova i zadataka u okviru implementacije Projekta izgradnje i opremanje Univerzitetske Biblioteke pod nazivom „Tehnička pomoć za Projekat izgradnje i opremanja Univerzitetske Biblioteke“ - (*Technical*

Assistance for the Project of Construction and Equipping of University Library - Terms of reference) koji je prethodno prihvatio Upravni odbor Univerziteta. Obzirom da se sve aktivnosti na izgradnji Univerzitetske biblioteke Univerziteta u Sarajevu, pa tako i predmetni Sporazum, finansiraju iz sredstava Saudijskog fonda za razvoj, Univerzitet u Sarajevu je "no-objection" pismom Saudijskog fonda za razvoj broj: 11956-42 od 04. 04. 2021. godine (Agreement for the Amendment of the Supplement No. 1 to the Contract Sarajevo University Library Project Loan No (1437/26) osigurao potvrdu finansiranja Sporazuma, odnosno proširenje osnovnog Ugovora sa konzocijem "IMAR i ahA+knAp".

Ovim Sporazumom konzorcija „IMAR i ahA+knAp“, a sa ciljem realizacije opisa i poslova sadržanih u usvojenom dokumentu „Tehnička pomoć za Projekat izgradnje i opremanja Univerzitetske Biblioteke“ - (Technical Assistance for the Project of Construction and Equipping of University Library - Terms of reference) predlaže se angažman dodatne ekspertize posebno orijentisane na zadatke koji imaju za cilj ubrzanje realizacije cjelokupnog projekata i u skladu su sa zaključcima sa zajedničkog sastanka između Univerziteta u Sarajevu, Saudijskog fonda za razvoj, kompanija "Saudconsult i AKSA", te konzorcija „IMAR i ahA+knAp“ revidenta i nadzora Projekta izgradnje Univerzitetske biblioteke, kao članova Implementacijske jedinice Univerziteta broj 0101-2791/20 održanog 03. 03. 2020. godine.

S obzirom na naznačeno, navodi se da je Upravni odbor na osmoj redovnoj sjednici od 17. 07. 2018. godine donio odluku kojom je rektoru Univerziteta u Sarajevu da je je saglasnost na potpisivanje osnovnog Ugovora.

Cijeneći navedeno, Upravni odbor je donio odluku kao u dispozitivu.



Dostaviti:

- Rektor UNSA
- Predsjedniku i članovima Upravnog odbora UNSA
- Jedinica za implementaciju Projekta izgradnje i opremanja Univerzitetske Biblioteke Univerziteta u Sarajevu, putem sekretara
- Prorektoru za finansije
- Direkciji za izgradnju i održavanje Kampusa UNSA
- Generalnom sekretaru
- Službi za računovodstvo i finansije
- U dokumentaciju Upravnog odbora UNSA
- Arhivi